



21506

kat. k. b. m. p.

III

Mag. St. Dr.

P


Wojewódzki Pauli Joan: Ioannes in vinculis.

PANEG. et VITAE

Polon. Fol.

№ 1555.

Biblioteka Jagiellońska



stdr0003036

JOANNES

JN VINCVLIS

Venerantis affectus, & officiosæ Venerationis,
ADMODVM REVERENDO PATRI.

P. JOANNI

WAXMAN

*Provincialis.
Mortuus est: 1674.
Mens: Aug?
Cracovia.*

S. ORDINIS PRÆDICATORVM
SACRÆ THEOLOGIÆ
DOCTORI,

Viro amplitudine virtutum, & scientiarum excellentiâ
LAUDATISSIMO,

SOLENNI DIVI SVI TVTELARIS DIE,

Inter Faustas Natalis apprecationes,

A

M. PAVLO JOANNE WOIEWODZKI, Philos: Professore,
in Alma Academia Cracoviensi,

REPRÆSENTATVS.

Anno exemptæ è vinculis per Divinitatem Humanitatis
M. DC. LXXII. XXIV. Junij.



CRACOVIAE

In Officina Typographica BALTHASARI SMIESZKOWIC S. R. M. Typ.

20.

66.

IN-SIGNE GENTILITIVM.

ILLVSTRIS

WAXMANOVIAE DOMVS.



BIBLIOTH. UNIV.
JAGELLONICAE

Fortis Vir pro dignitate, & vt ipsa ratio iubet, honesti causâ, subit & agit ea, quæ ad ipsam fortitudinem pertinent. *Aristoteles lib. 3. Eth.*

Qui magno est animo atq; forti, omnia quæ cadere in hominem possunt, despicit; & pro nihilo putat; atq; iste vir altus & excellens, magno animo, verè fortis, infra se omnia humana ducit. *Cic. lib. 3. de Finib.*

21.506 III

ADMODVM REVERENDO PATRI.

P. IOANNI
WAXMAN
SACRÆ THEOLOGIÆ
DOCTORI,

VIRO in S. ORDINE PRÆDICATORVM,

perquàm digno, ac dignè prædicando.



Onor & præconium sequuntur fugientes, Adm. Rñde. Pr. S. T. Doctor; occurrere illis, vanus est ambitiosarum mentium conatus, cum in solos incurrunt maxime, à quibus obuiam sibi iter minime; equidem tam promptum est sublimes animos honorari ac laudari, quàm prouum ijs, auram vitare popularem, neq; ex conscientia vulgi, operosa virtutis præmia an decora? opperiri, atq; ut rara est hæc optimi animi dos, ita præclara semper omnem fert ætatem, subruitur nunquam, omnia sibi sæcula vltro famulantur. Typum & imaginem eius non Polycleti vel Timanthidis industriâ affabrè calatam, aut per nobile depictam ingenium, iuris publici facit, sed Tuusmet modicus de Te sensus, magna laudis illicium, Adm R. P. in tanti boni demonstratiuum venit argumentum. Dim enim est, ex quo tributarios splendidis Natalibus Tuis, & celeberrime virtutum amplitudini, honores, obliquo percurris oculo, & veluti alato Bellerophonis Pegaso infideres, sonora de Te, festino cursu aufugis præconia, tanto cum studio, quanto Tibi cum apparatu in dies & horas, è præstantiori facundia promptuario depromuntur. Ast Solem Te meminisse oportet, qui longius quidem & altius, per Religiosæ Zodiacum modestiæ, à fauentibus Tibi obtutibus regrederis: quò tamen ulterius abscedis, eò melius inter, totum per orbem fulgentes, emines, perfectius quantus sis nosceris; es autem Præstantiâ Natalium clarus, morum eleganti venustate, venustâq; elegantia decorus, doctrinæ sublimitate conspicuus, humanitatis, comitatis cæterarumq; virtutum maiestate plenus: quanquam & alia Illustris Domus Tua, grandia decora, in laudis censum Tibi veniunt. Continuata Maiorum Tuorum dignitas, in D.D. Calites Pietas, erga Augustissimas Regum Maiestates, fides intermerata, in Patriam cum munificentia amor, Te in hanc lucem non minus vitæ, quàm gloriæ deduxit, atq; diuturna stabilioris fortune serenitas in eadem Domo educavit: nascenti Tibi fecere pompam, præuia facinora illustria, Illustrium Antecessorum, intima Principum familiaritate, ac familiari consuetudine insignium, quorum heroicas mentes non capiente etsi capace magnorum Germania, in Vastos Lechiæ Campos extendi, tam oportuit, quàm decuit, & in longissima exporrigi sæcula. Ita profectò exundauit sufficientissima virtus Waxmanowia, etiam in remotiores terras, domesticiq; Laribus alligari ne scia, gratiosos magnatum animos, in sui propensionem illigauit occupauitq; magnitudine famæ serio ubiq;

ubiq̃ occupata, in tantum, ut Waxmanouium Sanguinem certatim Insignes Polonorum Familie, Szembeciorum, Xięsciorum, Gołuchowiorum, Zbylitouiorum, ceteraq̃ his pares, adiura amicitia deposcerent, deposcantue, cedente omnino in Waxmanouiam hereditatem, per sanguinis communionem, quidquid in has non serpentes humi Stirpes, seu auita virtus inseruit, seu per angustos connubiorum tramites immanauit: ut sic alta eminentibus adnexa, ad culmen immortalitatis, non minus de facili, quàm de felici pertingant. Tuum & istud, Tuq̃ Domus proprium decus est, Adm. R. P. quòd illibate probitatis, ac innocentie animi, capax ad seria & alta ingenij, exaggerate prudentie, Perillustis & Reuerendissimus Germanus Tuus, Peraugustum Capitulum Cracouiense. adornet perample, cuius felicem naturam, ijs moribus Numen formauit, ijs artibus imbuit, ijs cumulauit dotibus, ut constet Magnum hunc Virum, maxime gloria destinatum esse, in quo omnia ad eternitatem fame conspirant. Tuum & illud non mediocriter solamen, ingenti ornamento Generis immixtum, quòd Tuus ex Fratre Nepos, Arcis Cracouiensis Burgrabijs, audiat intimus inter Sa cratos Regie Aula, SERENISSIMI MICHAELIS REGIS POLONIARVM, POTENTISSIMI, Scep tris Sarmaticis calitus, agente DEO in rem fortunamq̃ Polonam, raro exemplo, admoti; equomodo autem vicinam superis Maiestatem, promptissima ac præcellis dotibus aucta indoles, aut viuida hereditaria indolis præstantia, in qua suus probitates reperiunt Maiores, ad sui amorem flectere nequeat? quomodo multa idiomatum peritia, literarum paucis conferenda intelligentia, suada cultioris elegantia, ingenium dolis imperuium, apertum virtutibus, vitij clausum, pectus candidum, celo cum sudum est, simillimum, apud supremam in terris Lechicis Potestatem, summos fauores non reperiatur aucupeturue? inest sanè prodigiosa quedam vi, eximij quibusq̃ naturis, ut hæ Celsissimas etiam mentes, ita facile ut citò in sui studium trahant alliciantue. Sed amplius in Tuas, ac Tuae Prosapie laudes, ire volenti obnititur insita Tibi gemma laudum modestia: pareo vnicè virtutum vniõni, & bene precanti modò partes sustineo: dum nimirum annum Præcursoris Domini, Tuiq̃ Tutelaris recursus solennem, Tibi prono officij genere gratuler, & quàm auspicias, in pari vicissitudine vices exopto, ut Nomen Tuum, per posteritatis seriem, inoffensos agat cursus, magnà Te apud Orbem & Ordinem implendo veneratione: dum Manum Domini, feliciter protractæ, longiusq̃ ac felicius protrahende ætatis Tux baiulam, per vota à superis deponco, ut i à Numine, vitæ Tux addantur anni, quos virtus Tua, in secula, protensa meruit Tolerabis Adm. R. P. hanc in Te propensionem meam, quæ si dignitati non consuluit Tux, officio equidem consuluit meo: acceptabis vel solum conatum, quia Tuo exornatum Nomine, nec attendes pusillum & supra suas vires audens ingenium, pensata studij obligatione: & cum omnia factus sis omnibus, Traianus etiam mihi, quamuis non Plinio fies, Tuq̃ communem staturam excedenti virtutum magnitudini, impar hocce præconium, benigniori sensu, Tuum in sinum admittes: me interim Gentilitio Heroi Tuo, spontanea victima cadente, ne unquam illius stabilis in mœnibus firmitudo, aut firma in fortitudine stabilitas subruatur.

Admodum R. P. Tux Deuinctissimus

M. PAVLVS IOANNES WOIEWODZKI,

P R Æ C O N I V M.

IOANNEM IN VINCVLIS, ESTO MIRARIS,

Captivum nè iudices,

Nisi superno captum amore,

Quod P R Æ C O N I V M, non carcer est.

In maxima vindice libertatis Gente, & Domo natus

Admodum Reuerendus Pr. IOANNES WAXMAN

S. Ord. Prædic: S. Th. Doctor,

Tolerandæ seruituti minimè idoneus est,

Nec Darium per ignominiam auro vinctum æmulari,

Ducit decorum,

Toto pretiosiore auro libertatem, in Regno liberrimo,

Plurimi æstimando:

Cui maiorem aucturus valorem splendoremue,

Soli eam Aquinatico, in solo patrio sociauit,

(A quo Christianus Orbis, Pretium sui & lumen habet;)

Ad cuius tutamen,

Non Gentilitium modò Heroem destinauit,

Gladio tam metuendum, quàm fortem animo,

Ast induxit & Dominicanum Insigne,

Vigilantiæ ac fidelitatis Orthodoxæ symbolum,

Vt cumulatis excubijs, non distraharetur securitas.

E claris ortus Natalibus,

Lucidissimæ Religioni, nomen dedit & vitam,

Multa Domi suæ fulgentia sydera,

Vel vnico Astro Dominicano præferens,

Vt dubitaretur,

Magisne sapientior esset, quòd terrena cælestibus posthaberet?

An quòd sciret posthabere?

Deseruit cælum patrium,

In Sphæris Religiosis fulgere, rectè præligens.

Cæterum vtrobiq; clarus,

Eximiarum virtutum plenis in se collectis splendoribus,

Approbat Ioanni proprium esse,

Inter omnes mortales, vel vnico gressu,

Fines naturæ egredi, metas verò probitatis gratiæq; attingere.

Augustissimæ Floris Nazareni, Parentis

Hortum conclusum, S. Ordinem Prædicatorum ingressus,

Reginæ Cælorum, æternùm se mancipauit,

Ostenlurus,

Ioannem semper debere esse MARIAE Achatem.

B

Extra

Extra sæculum profiliit, beatæ æternitatis certus comprehensor;
Pro inæstimabili pretio Peraugustæ Religionis Prædic:
Generis claritudinem, fortunarum copiam, spem indubiam honorum,
Plusquàm libens permutauit, monstraturus,
vel pretiosa ac præstantia, solis pretiosis ac præstantibus comparari,
vel labentia firmis debere præferri:
vel non esse prudentis umbras prehendere, sole intacto.
VERBUM notificat mundo,
Quia inter Prædicatores, celeberrima Vox est,
Ac cò magis, quòd in quouis sermone, non nosci studet,
vt noscatur Deus,

Cuius amore pectus proprium æstuat adeo,
Vt humana quàm maxima, pro modicis æstimet,
Cunctaq; labilia antequam ipsamet elabantur, dimittat.
Præter vitam non amplius debet naturæ,
Omnibus cum Nomine suo, à Gratia acceptis;
Sicq; Deum, & omnia in Deo complexus!
Mundi illecebras non quia timuit fugit,
Sed vt fortior seipso esset, spreuit:
Hos vestigijs charecteres imprimens;
Longum & arduum ad Astra iter, molles non admittere viatores.
Joannem se dum meminit esse, Præcursorem non obliuiscitur,
Nemini ad virtutem, nomenq; gloriosum, in cursu postremus,
Purpureum Sanguinem Nobilitatis,
Candori Dominicano immiscuit,
Vt merè candidatus cæli foret, candidus & rubicundus.
Latere vel sic, forsitan voluit, tanta Virtus, sed non debuit:
Ecquomodo celari potest, quod publico emolumento destinauere Superi?
Frustra cupis abscondi, quod luce non indignum communi,
Orbis ambit in exemplum.

Sola virtus amplissima, vt unico solo contenta non est,
Ita modicis spatijs, ignotisq; latebris contineri aut refugit, aut respuit:
Incircumscriptæ lacrata æternitati, non minus semper, quàm vbiuis clarescere possit:
Cum sibi ex conscientia sanioris mentis, infinita theatra debeantur.

Ad summa & præclara initiatus Animus,
Caliganti genio, tenebras amantis sæculi, consulturus,
Ad inextinctam FACIEM Dominicanam non inconsultò accessit,
Vt nimirum in Se non vulgares virtutes, nec mediocrem doctrinam,
Spectaret, legeret, imitaretur.

Nam veluti Volumen & epitome scientiarum probitatumq;
Factus Religiosissimus Vir.

Nullam prauitatis vel inscitæ umbram notamue in Se admisit.
Filio namq; lucis & candoris, nunquam interuenit commercium cum tenebris,
& squalore.

Inces.

Incessanter ardente D. Patriarchæ sui Lucerna,
 Non inquit more Diogenis homines,
 Quod otiosum,
 Sed inflammat ad desiderium cælestium,
 Odorem suauitatis ex incensa hac victima, cælo dans & Deo,
 Quod tam Superis gratum : quam sibi gloriosum ;
 Nullum siquidem magis ambit lucrum, quàm vt cælum sibi,
 Omnia cælo lucri faciat.
 Neapolim Luce Aquinatica illustratam abundè,
 Moribus integerrimis, & rara ingenij perspicuitate,
 Ad præclaram Sarmaticæ Indolis famam,
 adornauit copiosè,
 In aprico disputationum publicarum sæpius comparendo gloriosè.
 Formatus à natura & arte Angelica, ad non singulare vniuersorum
 emolumentum ;
 In generali Studio Crac : S. Ordinis,
 Munus & dignitatem, Magistri & Regentis sustinet,
 æquè laudabiliter ac strenuè.
 Quocirca
 In Schola Angelica, operosa Intelligentia
 dici, cum sit, meretur,
 Angelicam naturam, sui felicitate ingenij,
 Adeo humanæ menti capacem faciens,
 Vt Auditores transformet in Angelos,
 Extra veterum metamorphosim.
 Obscura difficultatum abdita, aut cum luce Thomistica penetrat,
 Aut nodos in scientijs perplexos, Gentilitio Gladio,
 Felicius Macedonico diffecat.
 Sanè
 A stellato D. Patriarcha suo degener minimè,
 Lucem deriuatam in se, hæreditate & Diuinâ scientiâ,
 spargit largiùs in singulos,
 Quam vt colligere potuit, ita potest neutiquam continere.
 Abundantia tam eximix eruditionis, non cuiuspiam stupor sit,
 Nam in erudiendo Ioanne non vnus digitus, sed tota Dei
 Manus laborauit.
 Quare
 Vt promptiùs Angelum Ioannem, Præceptoris Angelici Discipulum
 crederes,
 In cæleste commigrauit ingenium.
 Meritò proinde Angelum & Ioannem reciprocè de tanto Viro dixeris,
 Qui Angelis par, nec magnis quibusq; hominibus minor.
 Prior in Conuentu Gedanensi, Cracouiensi,
 Definitor in Generalibus Capitulis plurics,

Supereminet,
 Ne inter Viros ad alta dignitatum fastigia natos,
 Maior surgat Ioanne.
 Et quod impensius extolle
 Omnium in Peraugusto Prædic: Ordine capax honorum,
 Nullius audus,
 Benè tantum mereri, optimam dignitatem arbitratur:
 De nulla re sollicitus magis,
 Quàm eximijs moribus, innatam ornare Maiestatem;
 Divino cultui inter singulas actiones plus intentus,
 Quàm vitæ gloriæq; propriæ.
 Ita viuit,
 Vt imitari eum qui vellet, nequiret unquam delinquere:
 Inter bonos Tagelloniæ Palladis alumnos tenellus,
 Ab optimis educatus ad optima,
 Virtutum audus, vitiorum tam incapax, quàm hostis.
 Rectè factorum laudator egregius, æmulator eximius,
 In narrandis aliorum præclarè gestis, disertum Cineam gerit,
 In proprijs Cedro dignis, Harpocratem ob insitam modestiam refert:
 Facere præstantia aptior, quàm recensere.
 Et quamvis à nemine expectat laudes,
 A singulis tamen laudatur,
 Eò intensius, quò vehementius illis obnitiuntur.
 Plurimos ad amplam virtutis normam,
 Compendiosis præceptorum exemplis formans, efficit,
 Ne vspiam viua suæ probitatis desint simulacra,
 In eligenda amicorum probitate tam prudens,
 Quàm in colenda constans,
 Cum his quidquid non habet commune perdere se arbitratur,
 Tito, Neruæq; par magis, quàm similis.
 Agnosce quanta sit probitas, Viri Religiosissimi,
 Qui omnibus sponte naturæ communem se facit,
 Vt singulare aliquid in se emineat:
 Supra comitatem affabilis, supra spontaneam fortunam liberalis,
 Supra humanitatem humanissimus.
 Neq; nimium vocites, quod Heroicum est;
 Virtus siquidem ultra solitos progrediens limites, Heroica appellatur.
 Quodsi animorum præstantior quàm moenium expugnatio
 Adm. Reueren. Pr. S. Theologiæ Doctor,
 Hoc argumento triumphat,
 Insignem prædam ex Illustribus ducens affectibus.
 Amphionem Sarmaticum vocitares,
 Trahentem ad se & ad Candidam Religionem suam
 Sublimis animos

Voce,

Voce, doctrinâ, factisque laudandis,
 Vnde S. Prædic : Ordinem magis facit prædicabilem,
 Quò plus, summis Maieftatibus, reddit amabilem.
 Magna hæc excellentis naturæ, & virtutis WAXMANOVIAE dos est,
 Habere tot alta præconia, quot præcellos affectus !
 Porro Inclytus Vir,
 Omni titulo, labore, opereq; literario, immortale nomen promeritus,
 Agit pro Cælo spectanda :
 Ipsemet Cælo spectaculum :
 In omni facto gratiofus, ne vel vni Ioannes eſſe nonvideatur.
 Tam fortunatus eſt Horoſcopus Tuus,
 Adm. Reuerende Pr. S. Th. Doctor.
 Vt proſperrimæ virtutum vnâ Tecum, communem aſpexerint lucem,
 Euidenter probaturæ ſemper Te, & ubiq; Ioannem eſſe;
 Seu namq; Igne Dominicano, mundi factum comburis :
 Seu ad littus Iſtulae pro Iordane, Dantiſci, Cracouiz,
 Viros erudis :
 Seu altas dotes in profunda demergis modeltia;
 Vitâ, doctrinâ, moribus, Ioannes es.
 Seu tenes ſilentium, ſeu exaltas vocem in Prædicatorum Eliſijs;
 Silentio, voce, Ioannes es.
 Seu Te maior inter probos, ſcientes, humanos, non ſurrexit :
 Seu Angeli dextrè operantis, in Angelico Lyceo vices geris :
 Seu exemplari probitate probatâq; doctrinâ luces.
 Ioannes es.
 Nam vox clamantis, deſerti ſilentium, pietas & eruditio, Angelus,
 Exemplar & lucerna, Ioannes eſt.
 Seu mellea fundis verba, ſeu prudens reprehendis prauitatem,
 Ioannes es.
 Quoniam Ioannis paſtus mel eſt, & amaræ prauitatis animoſa
 reprehenſio.
 Adeo igitur grandi Waxmanouiarum virtutum Orcheſtræ,
 Immenſitas æternitatis debetur,
 Cùm anguſtia temporis incapax ſit, quidquid euo paratur.
 His, magnæ mentes, maiora dent præconia,
 Puſillis autem ſufficiat conari, velleq;.
 Tollant in cælum diſertæ linguæ,
 Quod pro cælo & Deo non piget militare.



